



SLUŽBENE NOVINE GRADA ZENICA

GODINA XLVIII
Broj 10

Utorak, 13.09.2022. godine

ISSN 1840-4588

140.

Na osnovu člana 10. stav (2) Odluke o organizaciji i načinu obavljanja taksiprijevoza putnika na području Zeničko-dobojskog kantona („Službene novine Zeničko-dobojskog kantona“, broj: 10/16 - novi prečišćeni tekst) i člana 12. stav (5) Pravilnika o načinu korištenja, redu i radu na taksistajalištima, rasporedu taksivozila na taksistajalištima i kriterijima za raspored taksivozila na taksistajalištima na području Grada Zenica („Službene novine Grada Zenica“, broj 3/20), Služba za vodoprivredu, putnu infrastrukturu i mjesne zajednice raspisuje:

JAVNI POZIV

za prikupljanje zahtjeva za raspored taksivozila na slobodna taksistajališta na području Grada Zenica za 2023. godinu

I

Objavljuje se Javni poziv za raspoređivanje taksivozila na slobodna taksistajališta na području Grada Zenica za 2023. godinu.

II

Shodno Zaključku o ukupnom broju taksivozila, odnosno ukupnom broju dopunskih taksioznaka za Grad Zenicu broj: 09-23-18360/22 od 02.09.2022. godine i službene evidencije Službe za vodoprivredu, putnu infrastrukturu i mjesne zajednice, utvrđena su 2 (dva) slobodna mjesta na taksistajalištima na području Grada Zenica.

III

Slobodna taksistajališta su:

R.b.	Adresa i naziv taksistajališta	Broj slobodnih stajališnih mjesta	Redni broj taksistajališta
1.	Ulica Željeznička (tržnica Blatuša)	2	16.

IV

Podnosilac zahtjeva za raspored taksivozila na taksistajalištima mora ispunjavati sljedeće uslove:

1. Da posjeduje profesionalnu osposobljenost koja podrazumijeva:
 - da je registrovan za obavljanje djelatnosti taksiprijevoza i da mu je to osnovna djelatnost,
 - da podnosilac zahtjeva - pravno lice zapošljava vozače koji imaju položen poseban ispit za taksivozača na području Zeničko-dobojskog kantona (broj vozača mora biti veći ili jednak broju vozila za koja se, u zahtjevu, traži raspored na taksistajališta),

- da podnosilac zahtjeva - fizičko lice koje je nosilac odobrenja za obavljanje djelatnosti taksiprijevoza, a koje u zahtjevu traži raspored za dva vozila, zapošljava još minimalno jednog vozača koji ima položen poseban ispit za taksivozača na području Zeničko-dobojskog kantona.
- 2. Da ima sjedište/prebivalište na području Grada Zenica najmanje 6 mjeseci do dana podnošenja zahtjeva.
- 3. Da uredno izmiruje obaveze u pogledu plaćanja javnih prihoda.
- 4. Da nema izrečenu pravomoćnu odluku kojom je određena zaštitna mjera zabrane obavljanja djelatnosti javnog prijevoza dok ta mjera traje.

V

Dokumentacija kojom podnosilac zahtjeva za raspored taksivozila na taksistajalištima dokazuje da ispunjava uslove iz tačke IV je:

1. Pravna lica

- Aktuelni izvod iz sudskog registra i obavještenje Federalnog zavoda za statistiku o razvrstavanju djelatnosti,
- Prijava penzijsko-invalidskog osiguranja i uvjerenje o položenom posebnom ispitu za taksivozača za uposlene vozače,
- Uvjerenje nadležnog poreznog organa da uredno izmiruje obaveze u pogledu plaćanja javnih prihoda ili zaključen sporazum o plaćanju duga u ratama,
- Uvjerenje nadležnog suda da u posljednoj godini dana od dana podnošenja zahtjeva za raspored nije više od jednom kažnjen za prekršaj iz Zakona o cestovnom prijevozu Federacije Bosne i Hercegovine („Službene novine FBiH“, broj 28/06 i 2/10) na osnovu kojeg je sud pravosnažnim rješenjem izrekao zaštitnu mjeru zabrane obavljanja djelatnosti javnog prijevoza.

2. Fizička lica

- Važeće rješenje/odobrenje za obavljanje taksiprijevoza,
- Potvrda nadležnog organa o prebivalištu na području Grada Zenica (Uvjerenje o prebivalištu PBA4),

- Uvjerenje nadležnog poreznog organa da uredno izmiruje obaveze u pogledu plaćanja javnih prihoda ili zaključen sporazum o plaćanju duga u ratama,
- Uvjerenje nadležnog suda da u posljednoj godini dana od dana podnošenja zahtjeva za raspored nije više od jednom kažnjen za prekršaj iz Zakona o cestovnom prijevozu Federacije Bosne i Hercegovine („Službene novine FBiH“, broj 28/06 i 2/10) na osnovu kojeg je sud pravosnažnim rješenjem izrekao zaštitnu mjeru zabrane obavljanja djelatnosti javnog prijevoza.

Izuzetno, pored navedene dokumentacije, fizičko lice koje podnosi zahtjev za raspored dva vozila na taksistajalištima dužno je za uposlenog vozača dostaviti prijavu penzijsko-invalidskog osiguranja i uvjerenje o položenom ispitu za taksivozača.

VI

Obrazac za zahtjev za raspored taksivozila na taksistajališta na području Grada Zenica se nalazi u prilogu ovog Javnog poziva, a isti se zajedno sa uputama za popunjavanje može preuzeti i na info pultu Grada Zenica.

VII

Za upotrebu i korištenje taksistajališta plaća se godišnja naknada čiju visinu određuje Gradonačelnik Grada Zenica.

VIII

Javni poziv će biti objavljen u Službenim novinama Grada Zenica, na službenoj web stranici Grada Zenica i u dnevnom listu „Naša riječ“ i ostaje otvoren 20 dana od dana zadnje objave.

Postupak provođenja rasporeda taksivozila vršit će Komisija imenovana Rješenjem Gradonačelnika Grada Zenica broj: 09-23-18360/22-2 od 05.09.2022. godine.

Neblagovremene, kao i nepotpune zahtjeve Komisija neće razmatrati i iste će sa dostavljenom dokumentacijom vratiti podnosiocu.

Nakon provedenog postupka Komisija utvrđuje Preliminarnu rang listu rasporeda taksivozila za svako taksistajalište iz Javnog poziva i istu objavljuje na web stranici i oglasnoj ploči Grada Zenica.

Na objavljenu Preliminarnu rang listu podnosioci zahtjeva mogu podnijeti žalbu Gradonačelniku Grada Zenica u roku od 8 dana od dana objavljivanja iste.

Zahtjev za raspored taksivozila dostaviti u zatvorenoj koverti sa osnovnim ličnim podacima (ime i prezime, adresa i broj telefona/e-mail adresa) sa naznakom „OTVARA KOMISIJA“, na adresu: GRAD ZENICA, Služba za vodoprivredu, putnu infrastrukturu i mjesne zajednice, Komisija za provođenje postupka po Javnom pozivu za prikupljanje zahtjeva za raspored taksivozila na slobodna taksistajališta na području Grada Zenica, Trg BiH broj 1, 72000 Zenica.

Sve dodatne informacije mogu se dobiti u Službi za vodoprivredu, putnu infrastrukturu i mjesne zajednice, svakim radnim danom od 07:30 - 16:00 sati (na telefon broj 032/447-722 ili e-mail adresu anisa.kovac@zenica.ba).

Broj: 09-23-18360/22-1 AN.K.
Zenica, 05.09.2022. godine

POMOĆNIK GRADONAČELNIKA
Sabira Helvida, dipl.ing.grad. s.r.

GRADSKO VIJEĆE**141.**

Na osnovu člana 2.12. stav (6) Izbornog zakona Bosne i Hercegovine ("Službeni glasnik BiH", broj: 23/01, 7/02, 9/02, 20/02, 25/02, 4/04, 20/04, 25/05, 65/05, 77/05, 11/06, 24/06, 32/07, 33/08, 37/08, 32/10, 18/13, 07/14, 3/16 i 41/20) i člana 21. tačka 18. Statuta Grada Zenica ("Službene novine Grada Zenica", broj: 5/15), Gradsko vijeće Zenica na 5. hitnoj sjednici održanoj 09.06.2022. godine, donijelo je

RJEŠENJE**o razrješenju predsjednika i dva člana
Izborne komisije Grada Zenica****I**

Razrješava se mr. Selver Keleštura, dipl. pravnik, dužnosti predsjednika Izborne komisije Grada Zenica, zbog isteka mandata.

II

Razrješavaju se dužnosti člana Izborne komisije Grada Zenica, zbog isteka mandata:

Ivona Čolić, dipl. ekonomist,

Haris Hrgić, dipl. pravnik.

III

Ovo rješenje stupa na snagu danom davanja saglasnosti Centralne izborne komisije Bosne i Hercegovine i objaviće se u „Službenim novinama Grada Zenica“.

Broj: 01-45-12567/2022

Zenica, 09.06.2022. godine

*PREDSJEDAVAJUĆI
GRADSKOG VIJEĆA ZENICA
Mirza Husetić, s.r.*

GRADONAČELNIK**142.**

Na osnovu člana 60. i 61. Zakona o budžetima u FBiH ("Službene novine FBiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), člana 34. Statuta Grada Zenica ("Službene novine Grada Zenica", broj 5/15), člana 26. Odluke o izvršavanju Budžeta Grada Zenica za 2022. godinu ("Službene novine Grada Zenica", broj 2/22), Gradonačelnik Zenice donosi

ZAKLJUČAK**o odobravanju izdvajanja sredstava
iz tekuće budžetske rezerve****I**

Odobrava se izdvajanje novčanih sredstava iz Budžeta Grada Zenica za 2022. godinu Gradskom planinarskom savezu Zenica, u iznosu od 5.500,00 KM, u svrhu finansijske pomoći za organizaciju manifestacije "Dani planinara Zenice 2022".

II

Sredstva iz tačke I izdvajaju se iz "Tekuće budžetske rezerve" Budžeta Grada Zenica za 2022. godinu, a u svrhu obezbjeđenja neplaniranih sredstava na organizacionom kodu 59010001 - Služba za socijalnu zaštitu, stambene poslove i društvene djelatnosti, ekonomski kod 614300 – tekući transferi neprofitnim organizacijama, funkcija 0861.

III

Za realizaciju ovog Zaključka zadužuje se Služba za socijalnu zaštitu, stambene poslove i društvene djelatnosti i Služba za finansije, koja će navedena sredstva uplatiti na račun Gradskog planinarskog saveza Zenica, broj: 102-711-00000315-32 otvoren kod Union banke d.d. Sarajevo.

IV

O utrošku sredstava korisnik je dužan podnijeti izvještaj Službi za socijalnu zaštitu, stambene poslove i društvene djelatnosti.

V

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-15412/22

Zenica, 15.07.2022. godine

*GRADONAČELNIK
Fuad Kasumović, s.r.*

143.

Na osnovu člana 60. i 61. Zakona o budžetima u FBiH ("Službene novine FBiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), člana 34. Statuta Grada Zenica ("Službene novine Grada Zenica", broj 5/15) i člana 26. Odluke o izvršavanju Budžeta Grada Zenica za 2022. godinu ("Službene novine Grada Zenica", broj 2/22), Gradonačelnik Zenice donosi

ZAKLJUČAK**o odobravanju izdvajanja sredstava iz tekuće budžetske rezerve****I**

Odobrava se izdvajanje novčanih sredstava iz Budžeta Grada Zenica za 2022. godinu Udruženju Centar u zajednici Orahovica, sa sjedištem u Orahovica bb, Zenica, u iznosu od 4.000,00 KM, u svrhu finansijske pomoći za proširenje i popravku planinskog puta prema MZ Orahovica.

II

Sredstva iz tačke I izdvajaju se iz "Tekuće budžetske rezerve" Budžeta Grada Zenica za 2022. godinu, a u svrhu obezbjeđenja nedostajućih sredstava na organizacionom kodu 61010001 - Služba za vodoprivredu, putnu infrastrukturu i mjesne zajednice, ekonomski kod 613700 – izdaci za tekuće održavanje, funkcija 0461.

III

Za realizaciju ovog Zaključka zadužuje se Služba za vodoprivredu, putnu infrastrukturu i mjesne zajednice i Služba za finansije, koja će navedena sredstva uplatiti na račun Udruženja Centar u zajednici Orahovica, Zenica, broj: 186-161-03106441-41 otvoren kod ZiraatBank d.d. Sarajevo.

IV

O utrošku sredstava korisnik je dužan podnijeti izvještaj Službi za vodoprivredu, putnu infrastrukturu i mjesne zajednice.

V

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-15925/22

Zenica, 28.07.2022. godine

GRADONAČELNIK

Fuad Kasumović, s.r.

144.

Na osnovu člana 60. i 61. Zakona o budžetima u FBiH ("Službene novine FBiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), člana 34. Statuta Grada Zenica ("Službene novine Grada Zenica", broj 5/15) i člana 26. Odluke o izvršavanju Budžeta Grada Zenica za 2022. godinu ("Službene novine Grada Zenica", broj 2/22), Gradonačelnik Zenice donosi

ZAKLJUČAK**o odobravanju izdvajanja sredstava
iz tekuće budžetske rezerve****I**

Odobrava se izdvajanje novčanih sredstava iz Budžeta Grada Zenica za 2022. godinu, u ukupnom iznosu od 4.465,00 KM, u svrhu finansijske pomoći za plaćanje naknade za priključak domaćinstva na mjesni vodovod "Kotlovac" u naselju Gornji Kozarci, i to kako slijedi:

R. BR.	IME I PREZIME	NAZIV BANKE	BROJ RAČUNA	IZNOS
1	ŠABANOVIĆ ADVIJA	ASA BANKA D.D.	134-010-00000001-20 01-001-0016708.0	235,00
2	ERNESA SMRIKO	ASA BANKA NAŠA I SNAŽNA D.D.	140-601-50000880-77	235,00
3	AMIR KOVAČEVIĆ	SPARKASSE BANK D.D.	199-513-60001861-42	235,00
4	ARMIN IBRAHIMAGIĆ	SPARKASSE BANK D.D.	199-512-60528378-88	235,00
5	SANEL SMRIKO	ADDIKO BANK D.D.	306-029-30445047-63	235,00
6	JASMIN SMRIKO	SBERBANK	140-601-50003389-19	235,00
7	ŠABANOVIĆ EDVINA	INTESA SANPAOLO BANKA D.D.	154-214-99392518-67	235,00
8	ELDIN MUSIĆ	SPARKASSE BANK D.D.	199-513-60449608-57	235,00
9	HUSEIN MUNAIZEL	RAIFFEISEN BANK D.D.	161-300-00225387-81	235,00
10	ĐUBO SAFETA	INTESA SANPAOLO BANKA D.D.	154-201-99502802-40	235,00
11	ALEN SMRIKO	RAIFFEISEN BANK D.D.	161-300-00344834-58	235,00
12	ŠAĆIR RIDŽAL	NLB BANKA D.D.	132-300-20221955-74	235,00
13	KADRIJA RUKAĆ	RAIFFEISEN BANK D.D.	161-300-00584454-65	235,00
14	SMRIKO VAHIDA	ASA BANKA D.D.	134-481-10078552-50	235,00
15	SALIH DŽANAN	SPARKASSE BANK D.D.	199-512-60472368-17	235,00
16	ZEJNEBA SMRIKO	BBI D.D.	141-355-13107205-39	235,00
17	NIŠIĆ NEJRA	UNICREDIT BANK D.D.	338-580-25712102-10	235,00
18	SMRIKO NIJAZ	UNICREDIT BANK D.D.	338-580-25107187-79	235,00
19	MUSIĆ ELMAN	INTESA SANPAOLO BANKA D.D.	154-201-99230292-54	235,00
UKUPNO:				4.465,00

II

Sredstva iz tačke I izdvajaju se iz “Tekuće budžetske rezerve” Budžeta Grada Zenica za 2022. godinu, a u svrhu obezbjeđenja neplaniranih sredstava na organizacionom kodu 61010001 - Služba za vodoprivredu, putnu infrastrukturu i mjesne zajednice, ekonomski kod 614200 – tekući transferi pojedincima, funkcija 0631.

III

Za realizaciju ovog Zaključka zadužuje se Služba za vodoprivredu, putnu infrastrukturu i mjesne zajednice i Služba za finansije, koja će navedena sredstva uplatiti na račune navedene u članu I.

IV

Ovaj Zaključak stupa na snagu danom donošenja, a objavit će se u “Službenim novinama Grada Zenica”.

Broj: 02-11-16490/22

Zenica, 05.08.2022. godine

GRADONAČELNIK
Fuad Kasumović, s.r.

145.

Na osnovu člana 60. i 61. Zakona o budžetima u FBiH ("Službene novine FBiH" broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), člana 34. Statuta Grada Zenica ("Službene novine Grada Zenica", broj 5/15) i člana 26. Odluke o izvršavanju Budžeta Grada Zenica za 2022. godinu ("Službene novine Grada Zenica", broj 2/22), Gradonačelnik Zenice donosi

ZAKLJUČAK

o odobravanju izdvajanja sredstava iz tekuće budžetske rezerve

I

Odobrava se izdvajanje novčanih sredstava iz Budžeta Grada Zenica za 2022. godinu Udruženju građana sportskih ribolovaca "Bistro" Zenica, u iznosu od 2.000,00 KM, u svrhu finansijske pomoći za organizaciju tradicionalnog sportsko-ribolovnog takmičenja u ulovu ribe udicom na plovak "5. KUP GRADA ZENICE".

II

Sredstva iz tačke I izdvajaju se iz "Tekuće budžetske rezerve" Budžeta Grada Zenica za 2022. godinu, a u svrhu obezbjeđenja nedostajućih sredstava na organizacionom kodu 59010001 - Služba za socijalnu zaštitu, stambene poslove i društvene djelatnosti, ekonomski kod 614300 – tekući transferi neprofitnim organizacijama, funkcija 0811.

III

Za realizaciju ovog Zaključka zadužuje se Služba za socijalnu zaštitu, stambene poslove i društvene djelatnosti i Služba za finansije, koja će navedena sredstva uplatiti na račun Udruženja građana sportskih ribolovaca "Bistro" Zenica, broj: 338-900-22002931-08 otvoren kod UniCredit Bank.

IV

O utrošku sredstava korisnik je dužan podnijeti izvještaj Službi za socijalnu zaštitu, stambene poslove i društvene djelatnosti.

V

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-17981/22

Zenica, 25.08.2022. godine

GRADONAČELNIK
Fuad Kasumović, s.r.

146.

Na osnovu člana 59. Zakona o budžetima u FBiH ("Službene novine FBiH", broj 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), člana 34. Statuta Grada Zenica ("Službene novine Grada Zenica", broj 5/15), člana 28. Odluke o izvršavanju Budžeta Grada Zenica za 2022. godinu ("Službene novine Grada Zenica", broj 2/22) i Uputstva Grada Zenica o preraspodjeli odobrenih budžetskih sredstava, broj: 02-11-22295/20 od 09.11.2020. godine, na prijedlog Službe za privredu, gradsku imovinu i upravljanje razvojem, Gradonačelnik Zenice donosi

ZAKLJUČAK

o preraspodjeli sredstava u Budžetu Grada Zenica za 2022. godinu

I

Odobrava se preraspodjela sredstava Budžeta Grada Zenica za 2022. godinu ("Službene novine Grada Zenica", broj 2/22) na organizacionom kodu 58010001 - Služba za privredu, gradsku imovinu i upravljanje razvojem.

II

Preraspodjela sredstava iz tačke I vrši se na sljedeći način:

Umanjuje se:

- ekonomski kod 613900, funkcija 0493, budžetska pozicija 90 - "Učešće u finansiranju projekata (Strategija razvoja, IPA, CBC, MED i dr.)" za iznos od 28.000,00 KM i
- ekonomski kod 821600, funkcija 0625, budžetska pozicija 105 - "Izgradnja rekonstrukcija i investiciono održavanje poslovnih zona (Zenica 1, Zenica - sjever, Zenica - jug)" za iznos od 60.000,00 KM.

Formiraju se nove budžetske pozicije:

- ekonomski kod 613900, funkcija 0499, budžetska pozicija 90A - "Realizacija projekta Unapređenje infrastrukture i sajamskih kapaciteta Gradske tržnice Zenica" u iznosu od 28.000,00 KM,
- ekonomski kod 821300, funkcija 0494, budžetska pozicija 100A - "Nabavka opreme za unapređenje infrastrukture i sajamskih

kapaciteta Gradske tržnice Zenica” u iznosu od 40.000,00 KM i

- ekonomski kod 821600, funkcija 0861, budžetska pozicija 105A - “Sanacija amfiteatra na izletištu Smetovi” u iznosu od 20.000,00 KM

III

Za realizaciju ovog Zaključka zadužuju se Služba za privredu, gradsku imovinu i upravljanje razvojem i Služba za finansije.

IV

Ovaj Zaključak stupa na snagu danom donošenja, a objavit će se u “Službenim novinama Grada Zenica”.

Broj: 02-45-18195/22
Zenica, 06.09.2022. godine

GRADONAČELNIK
Fuad Kasumović, s.r.

147.

Na osnovu člana 34. Statuta Grada Zenica (“Službene novine Grada Zenica”, broj: 5/15) i člana 23. Odluke o izvršavanju Budžeta Grada Zenica za 2022. godinu (“Službene novine Grada Zenica” broj: 2/22), na prijedlog Službe za privredu, gradsku imovinu i upravljanje razvojem, Gradonačelnik Zenice donosi

ZAKLJUČAK

o uvećanju sredstava u Budžetu Grada Zenica za 2022. godinu

I

Odobrava se uvećanje sredstava u Budžetu Grada Zenica za 2022. godinu (“Službene novine Grada Zenica”, broj 2/22) u iznosu od 30.000,00 KM na organizacionom kodu 58010001 - Služba za privredu, gradsku imovinu i upravljanje razvojem.

II

Uvećanje sredstava u Budžetu Grada Zenica za 2022. godinu iz tačke I vrši se na sljedeći način:

- a) u dijelu A - 2 PRIHODI I PRIMICI:
 - formira se nova budžetska pozicija 96A - “Kapitalni transferi od kantona za sanaciju amfiteatra na izletištu Smetovi”, ekonomski kod 742114, u iznosu od 30.000,00 KM.

Nakon uvećanja UKUPNO PRIHODI I PRIMICI BUDŽETA iznose 72.269.450,78 KM.

- b) u dijelu B - 2 POSEBAN DIO - RASHODI I IZDACI PO BUDŽETSKIM KORISNICIMA:

- na organizacionom kodu 58010001 - Službe za privredu, gradsku imovinu i upravljanje razvojem, formira se nova budžetska pozicija 105B - “Sanacija amfiteatra na izletištu Smetovi - kanton”, ekonomski kod 821600, funkcija 0862, u iznosu od 30.000,00 KM.

Nakon uvećanja UKUPNO RASHODI I IZDACI BUDŽETA iznose 72.269.450,78 KM.

III

Za realizaciju ovog Zaključka zadužuju se Služba za privredu, gradsku imovinu i upravljanje razvojem i Služba za finansije.

IV

Ovaj Zaključak stupa na snagu danom donošenja, a objavit će se u “Službenim novinama Grada Zenica”.

Broj: 02-45-18456/22
Zenica, 06.09.2022. godine

GRADONAČELNIK
Fuad Kasumović, s.r.

148.

Na osnovu člana 234. stav (1) tačka m) Zakona o privrednim društvima („Službene novine FBiH“, broj: 81/15 i 75/21), i člana 18. i 35. Statuta Javnog preduzeća „Vodovod i kanalizacija“ d.o.o. Zenica („Službene novine Općine Zenica“, broj: 5/06, 3/07, 7/07, 1/12 i „Službene novine Grada Zenica, broj: 3/15 i 6/21),), a u vezi s članom 34. tačka 6) i člana 117. Statuta Grada Zenica („Službene novine Grada Zenica“ broj: 5/15), na prijedlog Nadzornog odbora Javnog preduzeća „Vodovod i kanalizacija“ d.o.o. Zenica broj:100-10174-1/22AB od 15.07.2022. godine, Gradonačelnik Grada Zenica vršeci ovlaštenje Skupštine Javnog preduzeća „Vodovod i kanalizacija“ d.o.o. Zenica, donosi

R J E Š E N J E

o imenovanju člana Odbora za reviziju Javnog preduzeća „Vodovod i kanalizacija“ d.o.o. Zenica

I

Za člana Odbora za reviziju Javnog preduzeća „Vodovod i kanalizacija“ d.o.o. Zenica, imenuje se:

1. Amra Alagić, doktor ekonomskih nauka iz oblasti menadžmenta.

II

Mandat člana Odbora za reviziju iz tačke I ovog Rješenja traje do 28.11.2022. godine, odnosno do isteka mandata aktuelnog saziva Odbora za reviziju Javnog preduzeća „Vodovod i kanalizacija“ d.o.o. Zenica.

III

Ovo Rješenje stupa na snagu danom donošenja i objavit će se u „Službenim novinama Grada Zenica“.

Broj: 02-45-15967/22
Zenica, 26.07.2022. godine

GRADONAČELNIK
Fuad Kasumović, s.r.

149.

Na osnovu člana 34. i 117. Statuta Grada Zenica („Službene novine Grada Zenica“, broj 5/15) i člana 3. Odluke o potvrđivanju rezultata izbora za članove savjeta mjesnih zajednica na području Grada Zenica („Službene novine Grada Zenica“, broj 1/22), Gradonačelnik Grada Zenica donosi

R J E Š E N J E

o imenovanju povjerenika u MZ „Blatuša“ i prestanku mandata ranije imenovanom povjereniku

I

Pašalić Ibrahim, sa prebivalištem u Zenici, Zije Dizdarevića broj 10, imenuje se za povjerenika u Mjesnoj zajednici „Blatuša“.

II

Za vrijeme mandata povjerenik će obavljati poslove i zadatke koji su shodno važećim propisima, u nadležnosti Savjeta mjesne zajednice.

III

Mandat povjerenika traje 2022.-2026. godine.

IV

Krehmić Aliji, dosadašnjem povjereniku MZ „Blatuša“ utvrđuje se prestanak mandata zbog smrti sa danom 29.06.2020. godine.

V

Stupanjem na snagu ovog Rješenja prestaje da važi Rješenje o imenovanju povjerenika u MZ „Blatuša“ broj: 02-45-1480/22-2 od 02.02.2022. godine.

VI

Ovo Rješenje stupa na snagu danom donošenja i objavit će se u „Službenim novinama Grada Zenica“.

Broj:02-45-17578/22
Zenica, 22.08.2022. godine

GRADONAČELNIK
Fuad Kasumović, s.r.

KOMISIJA ZA PROPISE**150.**

Na osnovu člana 1. Odluke o dopuni Odluke o izmjenama Etičkog kodeksa za izabrane zvaničnike Grada Zenica („Službene novine Grada Zenica“, broj: 9/22), člana 78., a u vezi sa članom 35. f) alineja 7. Poslovnika Gradskog vijeća („Službene novine Grada Zenica“, broj: 4/17, 4/20 i 10/21), Komisija za propise Gradskog vijeća Zenica, na sjednici održanoj 30.08.2022. godine, utvrdila je prečišćeni tekst

**Etičkog kodeksa
za izabrane zvaničnike Grada Zenica**

I

Prečišćeni tekst Etičkog kodeksa za izabrane zvaničnike Grada Zenica obuhvata: Etički kodeks za izabrane zvaničnike Općine Zenica („Službene novine Općine Zenica“, br. 1/08), Odluku o izmjenama Etičkog kodeksa za izabrane zvaničnike Općine Zenica („Službene novine Grada Zenica“, br. 6/21) i Odluku o dopuni Odluke o izmjenama Etičkog kodeksa za izabrane zvaničnike Grada Zenica („Službene novine Grada Zenica“, br. 9/22).

II

Prečišćeni tekst Etičkog kodeksa za izabrane zvaničnike Grada Zenica objaviće se u „Službenim novinama Grada Zenica“.

Broj: 01-45-18387/22
Zenica, 30.08.2022. godine

PREDSJEDNICA
KOMISIJE ZA PROPISE
Amra Smriko, s.r.

**ETIČKI KODEKS
ZA IZABRANE ZVANIČNIKE
GRADA ZENICA**

- Prečišćeni tekst-

I – UVODNI DIO

Član 1.

Ovaj Etički kodeks (u daljem tekstu: Kodeks) sadrži principe za lokalne javne zvaničnike.

Član 2.

Predmet ovog kodeksa su osnovni principi standardizovanog ponašanja, što građani očekuju od izabranih predstavnika u vršenju njihovih dužnosti, a što će održavati i snažiti povjerenje građana prema institucijama, u funkciji općeg interesa.

II – PRIMJENA KODEKSA

Član 3.

Kodeks se odnosi na sve izabrane lokalne zvaničnike, kojima je mandat povjeren putem neposrednih ili posrednih izbora, odnosno imenovanjem.

Član 4.

Termin „izabrani zvaničnik“ označava bilo koju osobu kojoj je mandat u gradskim organima i tijelima povjeren neposrednim ili posrednim izborom, odnosno imenovanjem.

III – OSNOVNI PRINCIP PONAŠANJA

Član 5.

Izabrani zvaničnici, davanjem svečane izjave, ili imenovanjem u svim slučajevima moraju se pridržavati ustava, zakona, Statuta Grada, Kodeksa ponašanja i drugih propisa, zanemarujući političku naklonost.

Član 6.

U vršenju povjerene funkcije, izabrani zvaničnici radit će u općem interesu, zalagati se za ljudska prava i slobode, ravnopravnost naroda i građana.

Član 7.

Izabrani zvaničnici će obavljati povjerenu funkciju i dužnost savjesno i odgovorno, uz naglašenu otvorenost i spremnost da odgovaraju za svoje odluke, djelovanje i ponašanje.

Član 8.

U obavljanju svojih dužnosti, izabrani zvaničnici će uvažavati prava i ovlaštenja drugih izabranih zvaničnika, suzdržavajući se od podsticanja ili pomaganja u izvršavanju povjerenih dužnosti radi dovođenja u privilegovan položaj sebe ili drugih izabranih zvaničnika.

IV – POSEBNE OBAVEZE

Član 9.

Izborna kampanja

Kandidat za određenu funkciju u toku kampanje

težiće da glasove birača pridobije poštenim i argumentovanim istupom isticanjem svojih kvaliteta i rezultata, bez nekorektnog odnosa prema ostalim kandidatima u kampanji.

Član 10.

Zabrana favorizovanja

Izabrani zvaničnici neće zloupotrebljavati svoja ovlaštenja u svrhu vlastitog interesa i interesa drugih pojedinaca ili grupa.

Član 11.

Sukob interesa

Pored zakonske obaveze kada je izabrani zvaničnik obavezan da se uzdrži od vijećanja i glasanja u određenoj pravnoj stvari kod izabranog zvaničnika postoji i moralna obaveza da se zbog ličnog ili poslovnog interesa uzdrži od naprijed navedenih radnji i da na to ukaže prije otvaranja rasprave po tom pitanju.

Član 12.

Lične nadležnosti

Pri obavljanju diskrecionih ovlaštenja, izabrani zvaničnici neće za sebe ni za druga lica pribavljati koristi niti bilo kakve pogodnosti.

Član 13.

Donošenje odluka

Odluke izabranih zvaničnika, u vršenju funkcije zasnivaće se na principima zakonitosti, objektivnosti, odgovornosti i otvorenosti i usklađenosti s javnim interesom.

Izborni zvaničnici prihvataju odgovornost za svoje odluke u izvršavanju povjerenih im dužnosti.

Član 14.

Način komuniciranja

Izborni zvaničnici u ostvarivanju komunikacije izbjegavaće sve oblike obmanjivanja, manipulaciju, samopromociju i neučtivost u kreiranju i vođenju dijaloga.

Član 15.

Poštivanje konvencije

Izabrani zvaničnici dužni su poštovati odredbe Evropske konvencije o zaštiti ljudskih prava, a naročito kada je u pitanju zaštita privatnosti.

Član 16.

Povjerenje javnosti

Izabrani zvaničnici treba da usmjere svoje ponašanje u skladu sa javnim interesom, da izbjegavaju konflikte i snaže povjerenje javnosti prema državnim institucijama.

Član 17.

Zabrana korupcije

Ovaj Kodeks isključuje prihvatanje mita i svakog drugog ponašanja što bi se prema važećim propisima moglo podvesti kao aktivno ili pasivno podmićivanje, te korištenje javne funkcije za privatni interes.

Član 18.

Upravljanje resursima

Od izabranih zvaničnika se očekuje da javnim resursima i finansijskim sredstvima upravljaju na efektivan, efikasan i ekonomičan način isključujući njihovo korištenje u privatne svrhe.

Član 19.

Finansijska disciplina

Izabrani zvaničnici ne mogu djelovati kao plaćeni zastupnici, pogrešno koristiti isplate ili naknade u oblastima upravljanja javnim prihodima.

V – ODNOSI PREMA GRADSKOJ UPRAVI

Član 20.

Vlastitim ponašanjem, izabrani zvaničnici onemogućit će imenovanje službenika i namještenika suprotno zakonskim propisima.

Član 21.

Javni zvaničnici će podsticati i razvijati motivacione elemente da svi zaposlenici rade brzo i efikasno, stručno i odgovorno, zakonito i kreativno.

VI – OBLAST NADZORA

Član 22.

Izabrani zvaničnici neće sprečavati bilo koju mjeru nadzora koju budu vršili nadležni organi, uz uvažavanje izrečene privremene ili konačne odluke donesene u postupku nadzora.

Član 23.

Izabrani predstavnici biće odgovorni građanima Zenice, u mandatnom periodu na koji su izabrani, za svoj rad i djelovanje.

VII – PRAĆENJE KODEKSA PONAŠANJA**Član 24.**

Praćenje i nadziranje poštivanja Kodeksa ponašanja izabranih zvaničnika vršiće **Etička komisija**, imenovana od strane Gradskog vijeća na prijedlog Komisije za izbor i imenovanja.

Član 25.

Komisija iz prethodne tačke broji 9 članova, a čine je predstavnici Gradskog vijeća, nevladinog sektora i ugledni građani.

Član 26.

Komisija donosi Poslovnik o svom radu.

VIII – ŽALBENE PROCEDURE**Član 27.**

Građani imaju pravo i mogućnost podnositi predstavke i žalbe za kršenje pravila ovog kodeksa.

Član 28.

Predstavke i žalbe podnose se u pisanom obliku i moraju biti potpisane.

Član 29.

Prijava za kršenje kodeksa ne može biti anonimna i mora sadržavati ime podnosioca prijave i kontakt adresu. Prijava se dostavlja isključivo u zatvorenoj koverti sa naznakom za Etičku komisiju.

Član 30.

Identitet podnosioca prijave ostaje poznat članovima Etičke komisije i zvaničnika na kojeg se odnosi do okončanja provjere. O eventualnom otkrivanju identiteta podnosioca prijave, nakon provedenog postupka provjere, odlučuje Komisija.

Član 31.

Anonimne prijave komisija neće razmatrati.

Član 32.

Ako komisija zaključi da prijava nije kompletna niti dovoljno jasna, može zatražiti od podnosioca prijave dodatne informacije.

Član 33.

Ako komisija primi prijavu koja se odnosi na kršenje zakona i drugih propisa dužna je obavijestiti podnosioca o nadležnom organu za postupanje po toj prijavi.

IX – PROVJERA**Član 34.**

Komisija će pokrenuti provjeru navoda iz predstavke i žalbe u roku od 30 dana od dana prijema podnesene pismene prijave.

Član 35.

Osoba na koju se predstavka i žalba odnose treba biti odmah obaviještena o prijavi u roku i dužna je da u roku od 15 dana odgovori u pisanoj formi ili da obezbijedi informacije (dokumente koje smatra relevantnim za svoju odbranu).

Član 36.

Komisija može pozvati osobu na koju se predstavka i žalba odnose da podnese dodatne informacije koje se odnose na prijavu.

Član 37.

Podnosilac prijave će takođe biti pozvan da odgovori na pitanja članova Komisije odnosno dodatno obrazloži navode iz svoje prijave.

Član 38.

Eventualni svjedoci predloženi od strane podnosioca prijave ili osobe na koju se prijava odnosi mogu biti pozvani na razgovor.

Član 39.

O cijelom toku postupka pred Komisijom vodit će se zapisnik o čemu se stara Stručna služba Gradskog vijeća.

Član 40.

Zapisnici se čuvaju u arhivi Komisije u Stručnoj službi Gradskog vijeća.

Član 41.

O činjenicama i rezultatima provjere Komisija će sačiniti izvještaj koji će dostaviti Gradskom vijeću i osobi na koju se prijava odnosi.

Član 42.

Ako je Komisija zaključila da je prekršen Kodeks, izvještaj će sadržavati i predložene sankcije.

Član 43.

Gradsko vijeće razmatra izvještaj Komisije zajedno sa predloženim sankcijama o čemu donosi zaključak

Član 44.

Na dijelu sjednice Vijeća kad se razmatra izvještaj Komisije isključena je javnost.

Član 45.

Gradsko vijeće može odlučiti da se o usvajanju izvještaja komisije glasa tajno.

Član 46.

Odluku o izricanju sankcije donosi Gradsko vijeće većinom glasova od ukupnog broja vijećnika u skladu s Poslovníkom Gradskog vijeća.

X – SANKCIJE ZA KRŠENJE KODEKSA**Član 47.**

Za povrede odredbi ovog Kodeksa mogu se izreći sljedeće sankcije:

- Javni ukor I - stepena
- Javni ukor II - stepena
- Javni ukor III - stepena

Član 48.

Uz javni ukor I- stepena izabranom zvaničniku se odbija 10% od naknade za obavljanje funkcije u tri naredne sjednice od dana donošenja odluke Vijeća, odnosno 10% od plaće.

Član 49.

Uz javni ukor II- stepena izabranom zvaničniku se odbija 15% od naknade za obavljanje funkcije u tri naredne sjednice od dana donošenja odluke Vijeća, odnosno 15% od plaće.

Član 50.

Uz javni ukor III- stepena izabranom zvaničniku se odbija 20% od naknade za obavljanje funkcije u tri naredne sjednice od dana donošenja odluke Vijeća, odnosno 20% od plaće.

Član 51.

Ukoliko Etička komisija utvrdi da su navodi podnosioca prijave neosnovani, podnosilac prijave je

dužan da plati troškove postupka čiju visinu utvrđuje Etička komisija.

Član 52.

O izrečenim sankcijama za povredu ovog Kodeksa vodi se evidencija u Stručnoj službi Gradskog vijeća.

Član 53.

Novac prikupljen od izrečenih sankcija bit će usmjeren na račun JU „Dom-porodica“ Zenica.

XI – PODRŠKA KODEKSU**Član 54.**

Izabrani zvaničnici će se upoznati sa sadržajem ovog Kodeksa i njegovim principima.

Izabrani zvaničnici potpisat će izjavu o prihvatanju kodeksa.

Član 55.

Obaveza je izabranih zvaničnika da svojom aktivnošću osiguraju promociju ovog kodeksa u javnosti.

XII – ZAVRŠNE ODREDBE**Član 56.**

Prečišćeni tekst Etičkog kodeksa za izabrane zvaničnike Grada Zenica obuhvata: Etički kodeks za izabrane zvaničnike Općine Zenica („Službene novine Općine Zenica“, br. 1/08), Odluku o izmjenama Etičkog kodeksa za izabrane zvaničnike Općine Zenica („Službene novine Grada Zenica“, br. 6/21) i Odluku o dopuni Odluke o izmjenama Etičkog kodeksa za izabrane zvaničnike Grada Zenica („Službene novine Grada Zenica“, br. 9/22).

Član 57.

Prečišćeni tekst Etičkog kodeksa za izabrane zvaničnike Grada Zenica bit će objavljen u „Službenim novinama Grada Zenica“.

SEKRETAR GRADSKOG VIJEĆA**151.**

Po izvršenom sravnjavanju sa izvornim tekstom, utvrđeno je da se u tekstu Odluke Gradskog vijeća broj: 01-45-13948/22 od 23.06.2022. godine („Službene novine Grada Zenica“, broj: 8/22) pri štampanju, potkrala niže navedena greška, pa se na osnovu člana 81. Poslovnika Gradskog vijeća („Službene novine Grada Zenica“, broj: 4/17, 4/20 i 10/21) daje sljedeća

ISPRAVKA

1. U Odluci Gradskog vijeća Zenica broj: 01-45-13948/22 od 23.06.2022. godine, u tački 1. na strani 3., red peti, ispravlja se štamparska greška učinjena u oznaci broja parcele, tako da umjesto: „k.č.n.p. 554 k.o. Zenica III, posjed DS SIZ Stambeno preduzeće sa 1/1 dijela, površina eksproprijacije 87m²“, treba da stoji: „k.č.n.p. 564 k.o. Zenica III, posjed DS SIZ Stambeno preduzeće sa 1/1 dijela, površina eksproprijacije 87m²“.

2. Ovu ISPRAVKU objaviti u „Službenim novinama Grada Zenica“.

Broj: 01-45-18409/22

Zenica, 31.08.2022. godine

SEKRETAR GRADSKOG VIJEĆA

(po ovlaštenju)

mr.Selver Keleštura,dipl.prav., s.r.

S A D R Ź A J

140. Javni poziv za prikupljanje zahtjeva za raspored taksivozila na slobodna taksistajališta na području Grada Zenica za 2023. godinu 1

GRADSKO VIJEĆE

141. Rješenje o razrješenju predsjednika i dva člana Izborne komisije Grada Zenica 5

GRADONAČELNIK

142. Zaključak o odobravanju izdvajanja sredstava iz tekuće budžetske rezerve 5
143. Zaključak o odobravanju izdvajanja sredstava iz tekuće budžetske rezerve 6
144. Zaključak o odobravanju izdvajanja sredstava iz tekuće budžetske rezerve 6
145. Zaključak o odobravanju izdvajanja sredstava iz tekuće budžetske rezerve 8
146. Zaključak o preraspodjeli sredstava u Budžetu Grada Zenica za 2022. godinu 8
147. Zaključak o uvećanju sredstava u Budžetu Grada Zenica za 2022. godinu 9
148. Rješenje o imenovanju člana Odbora za reviziju Javnog preduzeća „Vodovod i kanalizacija“ d.o.o. Zenica 10
149. Rješenje o imenovanju povjerenika u MZ „Blatuša“ i prestanku mandata ranije imenovanom povjereniku 10

KOMISIJA ZA PROPISE

150. Etički kodeks za izabrane zvaničnike Grada Zenica (Prečišćeni tekst) 11

SEKRETAR GRADSKOG VIJEĆA

151. Ispravka 15